

序

昭明序

體辭集說

凡例

李善表

姓氏小傳

總目

首



~ 16  
2701  
1

16  
2701  
1-16

乾隆辛丑夏鑄

心簡齋重訂

# 昭明文選集評

晉陵世壽堂藏板



有性理之學有經濟之學有辭

章之學六經三者咸備比於日

星河嶽然左史賈董之文國典

民風土俗元元本本洞悉言之

以經濟勝而辭采其緒餘也建

安正始而下時尚清華人才通

脫於是梁昭明有文選一書網羅二百餘年之著述雖間採楚騷兼收漢氏意取麗詞腴旨不過聊示權輪陸士衡不云乎謝朝華於已披啟夕秀於未振辭章之學舍是末由矣昔漢唐宋

諸儒之從事於古人也曰疏曰箋曰解曰學曰注大率不外釋名正義比事切音數端未有丹黃點勘篇釋句櫛而評之者自制義興始有時文古文之別自時文之有評以便揣摩一二淹


雅宿儒、遂歷評古文、用示學人  
圭臬、夫六經不必評、亦莫之敢  
評、丹漆不文、白玉不雕、質有餘  
者、不受飾也、左史諸書、詞義昌  
明、博大、學焉而各得其性之所  
近、安在鯁鯁以繩尺拘之、若騷

些之奧、衍齊梁之繁、縟三都兩  
京之備、物竭情淺、爲嘗試、輒多  
所牴牾、首燕者北、其轅適粵者  
南、其楫則惟評、訓之導、揚夫先  
路也、余曩於秦澗泉學士案頭、  
得讀何義門錢湘靈兩先生評

序  
本爾時未獲借抄、迄今十五六年、嘗耿耿不能去懷、于君晴川、茲刻藍本義門、叅以諸家論說、俾讀者意得理解、左右逢源、視向者所見本、尤爲詳備、其津逮來茲、當與六臣注選之功埒、夫

文者道之輿、無論古今、以適於道爲至、余非故區二者而岐之、特以辭章之學、宜若稍易而卒業之難、又如此、好古不倦、如于君、固自爲其難、而與人以易者、哉、是爲序、

乾隆四十六年歲次辛丑春日  
卓峰史夢琦書於廣南學署



文選集評原序

文章著作備於六經秦漢以下  
作者代興文體遞變然彙而輯  
之者無成書梁昭明太子始撰  
文選一書溯風雅之源流紹典  
謨之體格登作者之堂而漱芳

原序一  
傾液蔚然成巨編實藝苑之淵  
海也昔昌黎爲詩原本經傳說  
者至譏其以文爲詩觀秋懷南  
溪始泛數篇備饒陶謝風味則  
未嘗不兼選體少陵句云熟精  
文選理又云竊攀屈宋如方駕

恐與齊梁作後塵固不獨詩祖  
文選卽其三大禮封西嶽賦及  
歌行序跋皆倣選體爲之余幼  
讀是書汎濫六臣所注折中於  
李善註義苦其卷帙浩博奇字  
奧句叅訂綦詳近代如孫月峰

原序二  
俞犀月諸先生議論多有可採  
而何義門先生點勘評釋最稱  
善本泊官翰林奉

勅校錄文選偕同事諸公集  
內廷研硃濡墨考辨所及悉據義門  
評本錄成恭

進沐

賚幣之榮焉顧學者奉評本為圭臬  
而未付棗梨流布者鮮且轉相  
傳鈔亥豕魯魚不乏譌舛識者  
病之金壇于君一日持一編  
見示顏其名曰文選集評蓋據





義門先生爲藍本、復取諸家評  
論、薈萃精覈、標識簡端、舉目豁  
如、於以嘉惠來學、足使人盡讀  
選、而不覺其詞義之艱深也、嗟  
乎、選可續經、評可輔註、江夏功  
臣、其在是哉、愧余風塵鞅掌、二

十餘年、披覽所集諸評、恍然與  
故人相晤對、迴憶研北箋名

禁中

校字、猶忽忽如前日事、而向所  
謂枕中鴻寶、度置篋笥、不復省  
視久矣、何意經生家勞神苦思、  
窮年難卒之業、一旦爲于君

發其覆而示以津梁也可快也  
夫豈矣於意雖主宋尚輒苦思  
乾隆三十七年歲次壬辰孟冬  
朔日梁溪秦鏞果亭氏謨





梁昭明太子彙萃騷雅賦頌詩  
文雜著凡漢魏晉宋齊梁人之  
名作號曰文選士當載籍極博  
之會羣書或未能遍讀而文選  
之理精熟宜先余幼讀李善本  
及五臣所注竊病其繁而鈔要

原序  
曾手錄義門何氏批本凡三過、  
稍稍得其經緯、歲壬辰三月、余  
來增江適金壇晴川于先生視  
鳴臯講席、案頭見集評一冊、披  
閱之餘、如逢故我、而尤獲我心  
者、考古叶韻、麗於句下、考今疆

域瞭如掌上、諸家之評、精嚴切  
要、不必丹黃鉛槧、而人人可解、  
人人可讀、洵文章之架、獲學者  
之津梁也、宜付剞劂、嘉惠來茲、  
因屬嘉琰、弁數言於簡首、云、時  
乾隆三十七年歲在壬辰清和

月穀旦并書

竹泉金嘉琰



壬辰春仲在嶺南諸君子謀刊  
 家弟晴川手訂之文選集評晴  
 川堅謝之而諸君子之贊佐益  
 決也且謂衡曰書之必宜讀而  
 又苦煩劇者務須疏通之簡約  
 之段落劃以清指歸爍以明令


學者閱之、心頭眼底、豁然開朗、  
霍然稱快、斯益以淬辛勤而深  
饜飫、文選集評、殆庶幾矣、夫殫  
二十年之博稽、叅考、於以汰除  
箋註之繁冗、而一歸於淨確、彙  
前賢之揚扇、而要之以覈精、卽

造次倥偬、甚至傾危海灝、手此  
一編、而斟酌再三、揀區別擇、遲  
之又久而後定者、止以供一己  
案頭之怡娛、與夫門牆之錄誦、  
則承先啟後之謂何、竊恐非儒  
林之所重矣、君其謂之何哉、嗟

嗟天下之大、藝苑之衆、丹黃纂  
紀、老於歲月者、不知凡幾、而晴  
川區區羅採、亦烏足重、卽或苦  
心可鑒矣、災梨禍棗、亦可無庸  
然而、諸君子顧殷殷於此者、不  
沒善也、願廣著也、方今比戶

絃歌、熟精文選、理固自什、居八  
九、出以質焉、又惡可已、衡雖不  
文、因感諸君子之意而述之、

辛鍊在衡



之六  
於歲月  
辛艱  
文因  
出以  
深淵  
文選  
固自  
不

重訂文選集評序

吾友于君晴川胸次磊落綽有  
國士風而遇與才左彌形斂約  
不自炫其聰明滴露研硃情殷  
汲古余讀其鐫板行世之書極  
富若文選集評十五卷原本六


臣根據於汲古閣復準繩於前輩何義門孫月峯兩先生評論更哀集諸家善本採取引証以羽翼之聲韻音義靡不詳盡故其書不脛而走海以內莫不爭先睹爲快其嘉惠藝林之苦心可與天下共見矣猶復欲然於中惓惓不已爰兼收邵氏手評方氏集成二書採擇以補所未逮噫嘻豈非端木氏所引衛風切磋琢磨之遺意歟鍾君澹齋與晴川投契最深重訂之役慨



然捐貲再壽梨棗俾操觚之家  
得以條分縷晰由藩翰而窺堂  
奧不朽之業澹齋直與晴川其  
之矣是年之冬余偶從古虞至  
羊城獲與兩君晨夕過從領蘭  
言結古歡如桑戶琴張相視莫

逆適是書藏工樂觀厥成齟使  
秦果亭先生亦盛稱是役之善  
屬爲序之遂不揣弁陋略述其  
端緒如此皆

乾隆四十三年歲次戊戌仲冬  
月旣望古歛學弟黃燁照拜序



粵以癸未之年堂和於蘇蘇高門  
 先生南遊之日洪濤鼓檝牛斗歸槎  
 蒲席挂自洮湖雲帆遵於海滙浹天  
 墟而演析木薄碣石而澗朱崖駭陰  
 火之潛然礪石華於未發心遊萬仞  
 手握一編歎朝宗之美萬穴所歸考  
 善下之言百川可學以五經為道義

序  
四  
之淵海、而文選實典籍之川流、具杼  
柚於子懷、函緜邈乎尺素、傾言漱潤、  
提要鉤元、七日泛于潮陽、三年遊於  
珠浦、天道星周、物華序轉、張茂先之  
充篋、積既如山、倪若水之疊牕、坐惟  
容膝、秦川公子、爭願依劉、西鄂文人、  
咸思御李、友于堂畔、依稀通德高門、

心簡齋頭、髣髴華陰上市、晨爐燼麝、  
幾簇麟衫、宵箭沉虬、尙圍鶴蓋、萃簪  
纓於滿座、賁纁組以盈庭、獨有鄙人、  
近居鄰壁、調絃待奏、情移流水之聲、  
擗管抽思、夢乏生花之彩、衆客半嗤  
其拙、先生獨愛其愚、殷勤問字、徘徊  
金石之中、慷慨論文、騰越風雲之

序  
五  
氣親聆珠玉、雅集琳瑯、翱翔乎上下、古今馳騁乎經史子集、不棄荒陋、屬以較讐、日居月諸、非朝伊夕、夫結繩而降、代有篇章、雨粟以還、人多著述、東觀西園之富、名山秘閣之藏、自俗學之師、心遂前民之偃、矩紇庫干、運筆成錐、斛律金署名比屋、胸無卷帙、

筍鮮縹緗、此則裸郎誚羅縠爲太華、曠女憎西施之巧笑矣、抑或僅解蟲雕、差工獺祭、孤負南華之卷、弗精爾雅之篇、刻雲端之木雁、未必能飛、琢箭上之銅仙、何曾解舞、弱錦濯而不鮮、鈍筆描而尠麗、徒譏擗捨、未得指歸、先生則宏闡精微、式窺義蘊、博



聞強記、譚經傳嶽嶽之名、起例發凡、  
論古具淵淵之識、闡元儲之堂奧、發  
汲古之心情、參稽六臣之間、貫串百  
家而上、披華振秀、眇慮澄心、遂乃廣  
輯定評、公諸所好、督促堅銳、不遺力  
焉、將非蕭梁副后之功臣、復見於此  
日乎、今夫春明坊裏、便可借觀、小酉

山中、安能遍觀、韋編三絕、披尋豈厭  
其詳、漆書一經、傳抄不嫌其複、粵沿  
古以迄今、羌無奇而不耦于焉、復事  
丹鉛、重加研究、譬之庾開府之集、五  
存五亡、蘇子瞻之詩、再焚再易、時多  
補綴、間涉及夷、辨亥豕與魯魚、佐笙  
簧之鼓吹、言言集錦、字字編珠、則有

麟閣王孫鳳池學士爲謀劄劄更庀  
棗梨維時不佞北轍初還正值斯編  
西堂工竣訝紅塵風中未撲看錦翰  
雲裏飛來迴九月之離腸神縈楊柳  
樂百朋之寓目手盥薔薇嗟乎半生  
拓落紅綾之志願寧虛片帙瑤英黃  
絹之標題最富擬獻賦以何期甘著

書而不倦鄉關迢遞五千餘里天涯  
漂泊一十六年惟泉客之泣珠識鮫  
人之構館旣百端以交集更一卷之  
流連樂此不疲一何妨再立言有道  
本作述以同功向若無驚指津涯而  
克逮莫歎行囊羞澁定懸市上之金  
誰云客鬢飄蓬長韞櫝中之玉敬陳

末簡用景高山  
乾隆四十三年歲次戊戌孟冬既望  
年姻眷世姪邱先德頓首拜謨



重訂文選集評自序

乾隆癸未<sup>華</sup>年三十有七冬十一月航海來粵倥偬造次止攜  
文選一編蓋素所篤好凜先訓而奉師承也顧<sup>華</sup>賦性慳愚日  
月偶疎遺忘不少且自六臣註後前修名宿繼繼承承考核精  
而鈎抉確者何可勝數苟得聞見輒抄卒業卽奔走衣食漂泊  
天涯旅館孤燈不忍釋手歷十數寒暑編輯成帙壬辰春仲同  
志交迫強付棗梨深慚魚魯年來節次蒐錄詳加釐定差較前  
刻爲完備諸同志見而善之復付諸剞梓嗚呼日月逾邁精力  
就衰迴憶海舶騰空風濤震恐藉是以謚其心神恍如昨日而  
撫此頭顱已大非昔念先人之屬望師友之親承悠忽無聞徒

事丹鉛纂記等諸抄胥愧何如也。然歷歷此心，不忘一息。自茲以往，倘更遇名山之淵秘者，碩之珍藏，華猶將敬集之。

乾隆四十三年歲在戊戌重九前二日，已山于光華識於羊城心簡書屋。

凡例  
一、文選讀本時賢悉以汲古閣為止。前輩何義門先生博考眾本，亦以汲古為善。晚年評定，多所折衷。士林奉為指南，但未經廣播。今即據為藍本，并集諸家評論，以備參訂。非敢云一得，亦以便案頭誦習云爾。  
一、論註所載孫月峯先生評論，瑕瑜不掩。片言隻字，無不指示。誠後學之津梁，修詞之標的也。今悉載入，無遺。至如纂註、評林、論註、約註、山曉閣賦彙疏解，及張伯起、陸雨侯、俞犀月、李安溪諸先生評，各採其一二，或十之二三，恐議論紛出，轉滋疑竇，未敢多錄也。

凡例

凡例  
一、文選讀本時賢悉以汲古閣為止。前輩何義門先生博考眾本，亦以汲古為善。晚年評定，多所折衷。士林奉為指南，但未經廣播。今即據為藍本，并集諸家評論，以備參訂。非敢云一得，亦以便案頭誦習云爾。  
一、論註所載孫月峯先生評論，瑕瑜不掩。片言隻字，無不指示。誠後學之津梁，修詞之標的也。今悉載入，無遺。至如纂註、評林、論註、約註、山曉閣賦彙疏解，及張伯起、陸雨侯、俞犀月、李安溪諸先生評，各採其一二，或十之二三，恐議論紛出，轉滋疑竇，未敢多錄也。



一註解悉本汲古閣所載六臣原註。間有習見習聞。及前後雷同。複出處。概從節畧。以便省循。倘須博洽。各本具在。可資檢閱。其有諸書散見。與汲古互相出入者。亦附錄一二。以備參考。至余仲林文選音義。所較正數十處。補遺百餘條。悉登入。以俟博雅決擇焉。

一古詩賦詞章。多用古韻。今悉照吳棫韻補邵子湘韻略通叶。或有韻補韻畧所不備載者。悉遵字典及前輩舊音錄入。非妄參臆見也。

一古韻可通。無須更叶。故韻畧盡刪通韻之叶。以省重複。今仍照韻補叶八。如東冬江通。而江叶公降叶洪支微齊佳。次通而來叶離哀叶依真文元寒刪先通。而津叶賤安叶。烟山叶仙年叶民歌麻通。而華叶和家叶歌侵覃鹽咸通。而南叶詎三叶森之類。亦以誌諧聲切響之一則。非敢破韻略例也。

一凡字有兩音三音者。韻書本分入各韻通用。但有一音卽有一義。非是義而借用是音者。仍謂之叶。如簡能之能叶音台。棲宿之宿叶音秀。驂乘之乘叶平聲。簡易之易叶八聲。短長之長叶音仗。升降之降叶音杭等類。又悉註明叶字。以別疑義。總期同人研求韻學。考據詳明之意。

一字音有前後疊見者。悉從前音。以昭畫一。間有一字數音。

如纒字西都賦音史甘泉賦音師上林賦音蹠又蒞字西都賦音齒離騷音采之類各從古本並見不便訛混

- 一 圈點畫乙俱參各本校定大段落用大畫截住小段落用句中逗圈別之佳句用密圈脉絡用密點逐段眼目用尖圈或用密點字法用實圈或用單點俱各從其輕重耳
- 一 各本字句有彼此互異者隨卽註明某作某以便流覽至於民改作人世改作代或改作時此係唐時進御之本避太宗諱故耳今偶一標出不及徧舉也

廟諱

御名

至聖諱悉遵科場條例減筆避書

- 一 昭明選時定爲三十卷後註分六十卷今約爲十五卷以便案頭翻閱非敢妄亂舊例也
- 一 舊註名字爵里標於各篇下今併列於卷首以易循覽無他意也
- 一 地輿悉本地理今釋一統志訂八或有疑義及無從考証者闕之
- 一 六臣姓名其一爲李善則唐之崇賢館直學士也其一爲呂延濟則常山尉也其一爲劉良則都水使者劉承祖子

也。其三人爲張銑、呂向、李周翰，皆處士也。今旣集其註，不敢逸其名，故并載之。此條本淪註

一是編授自父師，童蒙時所誦習者，後得諸前輩評論，稍自增錄，遂手鈔一編，以便玩索，兼以課徒。安敢問世，今諸同人強爲付梓，率多荒陋，未及檢點處。四方博雅，考正以教，不逮是則華之厚幸也。

一近時坊本於諸詩中舉王曹之後先，贈答之倒置，五言古首蘇李十九首，析爲二十首，或以離騷爲詞賦之祖，列爲首卷，非不便觀。然古來諸書疑則仍疑，誤則仍誤，註中旣已詳明，則直從原本可也。

一所集諸評俱係平時隨手摘錄，記其姓氏則加以某曰，別之。未記姓氏則遂闕如。華實寡陋，無知未敢妄參一語，讀者校對他本，自知原委，非掠美也。

壬辰秋季光華謹識

重訂凡例

義門先生文選評本。凡三易稿。故或記年。或用又曰以別之。  
 世所傳寫。皆晚年所定。初次則支分節解。於初學尤宜。華  
 幼時所受業於家。泉莊先生。琰亦係晚年定本。丙戌春。  
 晤宜興吳文懷。振鷺於羊城旅邸。得見初次評本。另抄  
 一帙。藏諸篋笥。壬辰付梓時。尚未細校。未敢載入。數年來  
 節次加訂。擇其簡要。併入前刻。以便初學。叅閱。或云此係  
 後人假托。然是非得失。有識者自能辯之。  
 癸巳春。永城李君次農。廷卜見華前刻。因出一本示余曰。此  
 得自常州友人。云係邵子湘先生手評。細玩之。議論亦多

可採者。卽借抄卒業。是冬旋里。凡遇好古之士。及藏書家。遍訪之。俱未見此。華實跡見寡聞真贗莫定。但據李本或載邵曰。或不載邵曰。今悉仍之以俟博雅。

古榕方氏文選集成一書。評論發明多出已見。有益後學不淺。茲編擇其貫通脈絡。考正舊說。及篇終議論。有關世道人心者。採入十之二三。非敢破裂成書。甘踵剽竊。亦以私心愛慕。聊誌佩服之誠云爾。其悉當與否。仍俟識者鑒之。長洲葉氏將義門評本刊印。套板行世。亦隨附註百餘條。補前賢所未及。足徵博洽。茲卽彙錄附於卷末。以資折衷。亦推廣葉君嘉惠藝林之苦心。並非掠美。且葉君是刻。竣於

壬辰冬季。華之前刻。亦於是秋梓行。均奉義門爲標的心。理之同。遙相吻合。藉此以証知己。諒亦葉君所不鄙也。

張鳳翼評林。剪截善註。前賢譏其妄。閱板淪註。兼採五臣。有識亦病其襲。茲則各本集採。並蹈二者之愆。益宜爲士林。姍笑矣。然諸家各自成書。固當別論。華不過案頭便覽。未敢妄叅一語。同人強付諸梓。亦惟以簡約易於省循爲初學計耳。非敢爲大雅君子持贈也。

華少時。父師令讀汲古閣文選。茫無畔岸。望而生畏。因將山曉閣本。依約評點。略知段落。然於詩闕如。繼得孫端人選詩初學讀本。合爲完璧。旋見閱板孫評。則知山曉閣及

初學讀本之所自出矣。後泉莊先生出示義門本并載  
俞註。耳目一新。則欣然讀之。數年來。又得邵氏方氏各本。  
益知是書奧義無窮。經一番評論。新一番耳目。因憶業師  
家得輿先生。應駿嘗訓諸生曰。文章得前輩善本。探索玩  
味。卽能自得師矣。時文中如俞與汪。何及王。已山諸選。各  
評論彙集。研究書理。何患不明。文法何患不精。千里從師。  
其能愈於是乎。華於茲編。卽體此意。欲令初學之士。展卷  
瞭然。如晤師友于一堂。各出議論。互相考證。博其義類。正  
其指歸。無不可識之字。無不可解之義。尙何畏焉。海內藏  
書家。倘別有善本。希公諸世。勿秘是幸。

茲編草成。錫山鍾君澹齋。綱見而善之。因前刻坊板浸腐。而  
茲編所集。更爲完備。遂捐資付梓。期年工竣。同人稱快。他  
日傳播士林。有益選學。皆鍾君之力也。至於叅訂疑義。商  
榷去取。則錫山邵君自忻。振高君靜思。其壽朱君丹粟。桂  
平湖李君朝江。宗源會稽沈君雲表。宗誼嘉善蔣君維楨。  
國昌馬山邱君錫藩。先德姪孫宸御。廷鑾俱與有功焉。其言  
校則門人吳生來琛。廷齡汾陽王生德輝。之庸約旃姪。暉  
實司其職云。

戊戌秋仲光華又識

歲戊戌于友晴川重訂文選集評邀余叅訂付梓既竣工遂攜一帙以歸旋得吾鄉吳容齋先生家藏善本復加校核又改政訛舛若干處似尤完備辛丑春重遊東粵質之家表仲史卓峯學使深加賞識并弁序言勸以復梓公諸同志時于友在粵亦以為然因誌之邵振謹識

重訂文選集評總目

卷首



序 凡例 俱已載前

昭明文選原序

李善上文選註表

體辨集說 姓氏小傳

第一卷 賦

京都

兩都賦序

班固

西都賦

班固



東都賦

班固

西京賦

張衡

東京賦

張衡

南都賦

張衡

三都賦序

左思

蜀都賦

左思

吳都賦

左思

魏都賦

左思

第二卷賦

郊祀

甘泉賦

揚雄

耕籍

籍田賦

潘岳

畋獵

子虛賦

司馬相如

上林賦

司馬相如

羽獵賦

揚雄

長楊賦

揚雄

射雉賦

潘岳

紀行

北征賦

班彪

東征賦

班昭

西征賦

潘岳

游覽

登樓賦

王粲

游天台山賦

孫綽

蕪城賦

鮑昭

宮殿

魯靈光殿賦并序

王延壽

景福殿賦

何晏

第三卷

江海

鄒衡

海賦

木華

江賦

郭璞

物色

風賦

宋玉

秋興賦

潘岳

雪賦

謝惠連

月賦

謝莊

鳥獸

鵬鳥賦

賈誼

鸚鵡賦

禰衡

鷦鷯賦

張華

楮白馬賦 并序

顏延之

舞鶴賦

鮑昭

志

六臣本思元歸田二賦為忘中間居至別賦為志下無哀傷一類

幽通賦

班固

思元賦

張衡

歸田賦

張衡

閒居賦

潘岳

第四卷 賦

哀傷

長門賦

司馬相如

思舊賦

向秀

歎逝賦

陸機

懷舊賦

潘岳

寡婦賦

潘岳

恨賦

江淹

別賦

江淹

論文

文賦

陸機

音樂

洞簫賦

王褒

舞賦

馬融

長笛賦

嵇康

琴賦

潘岳

笙賦

潘岳

嘯賦

成公綏

情

高唐賦

宋玉

神女賦

宋玉

登徒子好色賦

宋玉

洛神賦

曹植

第五卷詩

補亡

補亡

束皙

述德

述祖德詩

謝靈運

勸勵

諷諫詩

韋孟

勵志

張華

獻詩

上責躬詩

曹植

應詔詩

曹植

關中詩

潘岳

公讌

公讌詩

曹植

公讌詩

王粲

公讌詩

劉楨

侍五官中郎將建章臺集詩

應瑒

皇太子讌元圃宣猷堂有命賦詩

陸機

大將軍讌會被命作詩

陸機

晉武帝華林園集詩

應禎

九日從宋公戲馬臺送孔令詩

謝瞻

樂游應詔詩

范曄

九日從宋公戲馬臺送孔令詩

謝靈運

應詔讌曲水作詩

顏延之

皇太子釋奠會作

顏延之

侍讌樂游苑送張徐州應詔詩

邱遲

應詔樂游餞呂僧珍詩

沈約

祖餞

送應氏詩

曹植

征西官屬送於陟陽侯作詩

孫楚

金谷集作詩

潘岳

王撫軍庾西陽集別作詩

謝瞻

鄰里相送方山詩

謝靈運

新亭渚別范零陵詩

謝朓

別范安成詩

沈約

詠史

詠史詩

王粲

三良詩

曹植

詠史詩

左思

詠史詩

張協

覽古詩

盧諶

張子房

謝朓

秋胡詩

顏延之

五君詩

顏延之

詠史詩

鮑昭

詠霍將軍北伐詩

虞羲

百一

百一詩

應瑒

游仙

何劭

游仙詩

郭璞

游仙詩

招隱

左思

招隱詩

陸機

招隱詩

王康琚

反招隱

魏文帝

游覽

芙蓉池作

殷仲文

南州桓公九井作

謝混

游西池

謝惠連

泛湖出樓中翫月

謝靈運

從游京口北固應詔

謝靈運

晚出西射堂

謝靈運

登池上樓

謝靈運

游南亭

謝靈運

游赤石進帆海

謝靈運

石壁精舍還湖中

謝靈運

登石門最高頂

謝靈運

於南山往北山經湖中瞻眺

謝靈運

從斤竹澗越嶺溪行

謝靈運

應詔觀北湖田收

顏延之

車駕幸京口侍游蒜山作

顏延之

車駕幸京口三月三日侍游曲阿後湖作

顏延之

行樂至城東橋

鮑昭

游東田

謝朓

從建平王登廬山香爐峯

江淹

鍾山詩應西陽王敎

沈約

宿東園

沈約

游沈道士館

沈約

古意酬到長史漑登琅邪城

徐悝

詠懷

詠懷詩

阮籍

秋懷詩

謝惠連

臨終詩

歐陽建

哀傷

幽憤詩

嵇康

七哀詩

曹植

七哀詩

王粲



七哀詩

張載

悼亡詩

潘岳

廬陵王墓下作

謝靈運

拜陵廟作

顏延之

同謝諮議銅雀臺

謝朓

出郡舍哭范僕射

任昉

第六卷 詩

贈答

贈蔡子篤

王粲

贈士孫文始

王粲

贈文叔良

王粲

贈五官中郎將

劉楨

贈徐幹

劉楨

贈從弟

劉楨

贈徐幹

曹植

贈丁儀

曹植

贈王粲

曹植

贈丁儀王粲

曹植

贈白馬王彪

曹植

贈丁翼

曹植

贈秀才從軍

嵇康

贈山濤

司馬彪

答何劭

張華

贈張華

何劭

贈馮文熊遷斥邱令

陸機

答賈謐

并序

陸機

於承明作與士龍

陸機

贈尚書郎顧彥先

陸機

贈交趾太守顧公真

陸機

贈從兄車騎

陸機

答張士然

陸機

為顧彥先贈婦

陸機

贈馮文熊

陸機

贈弟士龍

陸機

為賈謐作贈陸機

潘岳

贈陸機出為吳王郎中令

潘尼

贈河陽詩

潘尼

贈侍御史王元貺

潘尼

贈何劭王濟

傅咸

答傅咸

郭泰機

為顧彥先贈婦

陸雲

答兄機

陸雲

答張士然

陸雲

答盧諶

劉琨

重贈盧諶

劉琨

贈劉琨

盧諶

贈崔溫

盧諶

答魏子悌

盧諶

答靈運

謝瞻

於安城答靈運

謝瞻

西陵遇風獻康樂

謝惠連

還舊園作見顏范二中書

謝靈運

登臨海嶠與從弟惠連

謝靈運

酬從弟惠連

謝靈運

贈王太常

顏延之

夏夜呈兄散騎車長沙

顏延之

直東宮答鄭尚書

顏延之

和謝監靈運

顏延之

答顏延年

王僧達

郡內高齋閑坐答呂法曹

謝朓

在郡臥病呈沈尚書

謝朓

暫使下都夜發新林至京邑贈西府同僚

謝朓

酬王晉安

謝朓

奉答內兄希叔

陸厥

贈張徐州

范雲

古意贈王中書

范雲

贈郭桐廬

任昉

行旅

河陽縣作

潘岳

在懷縣作

潘岳

迎大駕

潘尼

赴洛

陸機

赴洛道中作

陸機

為吳王郎中時從陳梁作

陸機

作鎮軍參軍經曲阿作

陶潛

辛丑七月赴假還江陵夜行塗口作

陶潛

初發都

謝靈運

過始寧墅

謝靈運

富春渚

謝靈運

七里灘

謝靈運

登江中孤嶼

謝靈運

初去郡

謝靈運

初發石首城

謝靈運

道路憶山中

謝靈運

入彭蠡湖口

謝靈運

八華子岡是麻源第三谷

謝靈運

北使洛

顏延之

還至梁城作

顏延之

始安郡還都與張湘州登巴陵城樓作

顏延之

還都道中作

鮑昭

之宣城出新林浦向版橋

謝朓

敬亭山

謝朓

休沐重還道中

謝朓

晚登三山還望京邑

謝朓

京路夜發

謝朓

望荆山

江淹

且發漁浦潭

邱遲

早發定山

沈約

新安江水至清淺深見底貽京邑游好

沈約

軍戎

從軍詩

王粲

郊廟

顏延之

宋郊祀歌

顏延之

第七卷 詩

樂府

班婕妤

古樂府

班婕妤

怨歌行

班婕妤

樂府

魏武帝

樂府

文帝

樂府

曹植

王明君辭

石崇

樂府

陸機

樂府

謝靈運

樂府

鮑昭

鼓吹曲

謝朓

挽歌

挽歌

繆襲

挽歌

陸機

挽歌

陶潛

雜歌

荆卿歌

漢高帝歌

扶風歌

中山王孺子妾歌

雜詩

古詩十九首

與蘇武詩

古詩

四愁詩

雜詩

劉琨

陸厥

李陵

蘇武

張衡

王粲

雜詩

雜詩

朔風詩

雜詩

情詩

雜詩

雜詩

雜詩

情詩

園葵詩

劉楨

魏文帝

曹植

曹植

曹植

嵇康

傅元

張華

張華

陸機

思友人詩

曹攄

感舊詩

曹攄

雜詩

何劭

雜詩

王讚

雜詩

棗據

雜詩

左思

雜詩

張翰

雜詩

張協

時興詩

盧諶

雜詩

陶潛

詠貧士

陶潛

讀山海經

陶潛

七月七日夜詠牛女

謝惠連

擣衣

謝惠連

南樓中望所遲客

謝靈運

齋中讀書

謝靈運

田南樹園激流植援

謝靈運

石門新營所住四面高山迴溪石瀨茂林修竹

謝靈運

雜詩

王徽

數詩

鮑昭



翫月城西解中

鮑昭

始出尚書省

謝朓

直中書省

謝朓

觀朝雨

謝朓

郡內登望

謝朓

和伏武昌登孫權故城

謝朓

和王著作八公山詩

謝朓

和徐都曹詩

謝朓

和王主簿怨情

謝朓

和謝宣城詩

沈約

應王中丞思遠詠月

沈約

冬節後至丞相第詣世子車中作

沈約

直學省愁臥

沈約

詠湖中雁

沈約

三月三日率爾成

沈約

雜擬

擬古詩

陸機

擬四愁詩

張載

擬古詩

陶潛

擬鄴中詠

謝靈運

倣白馬篇

袁淑

倣古詩

袁淑

擬古詩

劉鑠

和琅邪王依古

王僧達

擬古詩

鮑昭

學劉公幹體

鮑昭

代君子有所思

鮑昭

倣古詩

范雲

雜體詩

江淹

第八卷

騷 七 詔 册 令 教 策 問

騷

離騷經

屈原

九歌 九章

屈原

卜居

屈原

漁父

屈原

九辯

宋玉

招魂

宋玉

招隱士

劉安

七

七發

枚乘

七啟

曹植

七命

張協

詔

求賢詔

漢武帝

賢良詔

漢武帝

冊

魏王九錫文

潘勗

令

宣德皇后令

任昉

教

為宋公修張良廟教

傅亮

修楚元王墓教

傅亮

策問

永明九年策秀才文

王融

永明十一年策秀才文

王融

天監三年策秀才文

任昉

第九卷

表

上書

啟

彈事

牋

奏記

表

薦禰衡表

孔融

出師表

諸葛亮

重訂文選集評

總目

卷

卷首

求自試表

曹植

求通親親表

曹植

讓開府表

羊祜

陳情表

李密

謝平原內史表

陸機

勸進表

劉琨

為吳命謝詢求為孫權置守塚人表

張俊

讓中書令表

庾亮

薦譙元彥表

桓溫

自解表

殷仲文

為宋公至洛陽謁五陵表

傅亮

為宋公求加贈劉前軍表

傅亮

為齊明帝讓宣城郡公表

任昉

為范尚書讓吏部封侯第一表

任昉

為蕭揚州薦士表

任昉

為褚諮議泰讓代兄襲封表

任昉

為范始興作求立太宰碑表

任昉

上書

上秦始皇書

李斯

上書吳王

鄒陽

獄中上書自明

鄒陽

上書諫獵

司馬相如

奏書諫吳王濞

枚乘

重諫舉兵

枚乘

詣建平王上書

江淹

啟

奉答七夕詩啟

任昉

為卞彬謝修卞忠貞墓啟

任昉

上蕭太傅固謝奪禮啟

任昉

彈事

奏彈曹景宗

任昉

奏彈劉整

任昉

奏彈王源

沈約

第十卷

奏記書

牋

答臨淄侯牋

楊修

與魏文帝牋

繁欽

答東阿王牋

陳琳

答魏太子牋

吳質

在元城與魏太子牋

吳質

為鄭冲勸晉王牋

阮籍

拜中軍記室辭隨王牋

謝朓

到大司馬記室牋

任昉

勸進今上梁高祖武皇帝牋

任昉

奏記

奏記詣蔣公

阮籍

書

答蘇武書

李陵

報任少卿書

司馬遷

報孫會宗書

楊惲

論盛孝章書

孔融

與彭寵書

朱浮

為曹洪與魏文帝書

陳琳

為曹公作書與孫權

阮瑀

與朝歌令吳質書

魏文帝

又與吳質書

魏文帝

與鍾大理書

魏文帝

與楊德祖書

曹植

與吳季重書

曹植

答東阿王書

吳質

與滿公琰書

應瑒

與侍郎曹思長書

應瑒

與廣州長岑文瑜書

應瑒

與從弟君苗君胄書

應瑒

與山巨源絕交書

嵇康

為石仲容與孫皓書

孫楚

與嵇茂齊書

趙至

與陳伯之書

邱遲

重答劉秣陵沼書

劉峻

第十一卷

移書

檄

難

對問

設論

辭

序

移書

移書讓太常博士

劉歆

北山移文

孔珪

檄

喻巴蜀檄

司馬相如

為袁紹檄豫州

陳琳

檄吳將校部曲

陳琳

檄蜀文

鍾會

難

難蜀父老文

司馬相如

對問

對楚王問

宋玉

設論

答客難

東方朔

解嘲

楊雄

答賓戲

班固

辭

秋風辭

漢武帝

歸去來辭

陶潛

序

毛詩序

卜商

尚書序

孔安國

春秋左氏傳序

杜預

三都賦序

皇甫謐

思歸引序

石崇

豪士賦序

陸機

三月三日曲水詩序

顏延之

三月三日曲水詩序

王融

王文憲集序

任昉

第十二卷 頌 贊 符命 史論 史述贊

重訂文選集評 總目

聖

卷首



頌

聖主得賢臣頌

王褒

趙充國頌

揚雄

出師頌

史岑

酒德頌

劉伶

漢高祖功臣頌

陸機

贊

東方朔畫贊

夏侯湛

三國名臣序贊

袁宏

符命

封禪文

司馬相如

劇秦美新

楊雄

典引

班固

史論

公孫宏傳贊

班固

晉武帝革命論

于寶

晉紀總論

于寶

後漢書皇后紀論

范曄

後漢二十八將論

范曄

宦者傳論

范曄

重訂文選集評

總目

聖

卷首

逸民傳論

范曄

宋書謝靈運論

沈約

恩佞傳論

沈約

史述贊

漢書述高紀贊

班固

述成紀贊

班固

述韓彭英盧吳傳贊

班固

後漢光武紀贊

范曄

第十三卷

論

過秦論

賈誼

非有先生論

東方朔

四子講德論

王褒

王命論

班彪

典論論文

魏文帝

六代論

曹回

博奕論

韋曜

養生論

嵇康

運命論

李康

辨亡論

陸機

五等諸侯論

陸機

辨命論

劉峻

廣絕交論

劉峻

第十四卷

連珠

箴

銘

誄

哀文

連珠

演連珠

箴

女史箴

銘

封燕然山銘

班固

座右銘

崔瑗

劍閣銘

張載

石闕銘

陸倕

新刻漏銘

陸倕

誄

王仲宣誄

曹植

楊荊州誄

潘岳

楊武仲誄

潘岳

夏侯常侍誄

潘岳

馬汧督誄

潘岳

重訂文選集評

總目

編

陽給事誄

陶徵士誄

宋孝武宣貴妃誄

哀文

哀永逝文

宋文元皇后哀文

齊敬皇后哀策文

第十五卷

碑文

墓誌

行狀

弔文

祭文

碑文

郭林宗碑文

蔡邕

顏延之

顏延之

謝莊

潘岳

顏延之

謝朓

陳仲弓碑文

蔡邕

褚淵碑文

王儉

頭陀寺碑文

王

山

音徹俗誤作山

齊安陸昭王碑文

沈約

墓誌

劉先生夫人墓誌

任昉

行狀

齊竟陵文宣王行狀

任昉

弔文

弔屈原文

賈誼

弔魏武帝文

陸機

祭文

祭古塚文

謝惠連

祭屈原文

顏延之

祭顏光祿文

王僧達

卷末

葉星衛附註

梁昭明太子文選序

梁書昭明太子統字德施高祖長子母丁貴嬪天監元年立為皇太子生而聰敏三歲受孝經論語五歲徧讀五經悉能誦誦七年貴嬪有疾太子衣不解帶及薨步從喪還宮至殯水漿不入口高祖遣中書舍人顧協宣旨乃進數合自是至葬日進麥粥一升體素壯腰帶十圍至是減削過半中大通三年三月寢疾恐貽高祖憂敕參問輒自力手書啟四月乙巳薨年三十一高祖幸東宮臨哭詔斂以衾冕諡曰昭明五月葬安寧陵所著文集二十卷又撰古今典誥文為正序十卷五言詩之善者為文章英華二十卷文選三十卷南史昭明太子以齊中興元年九月生於襄陽武帝既年登強仕方有家嗣時徐元瑜降續又蕭穎自暴卒時人謂之三慶少曰而建鄴平識者知天命所集太子美姿容善擧止讀書數行並下過目皆憶每遊宴賦詩至十數韻或作劇韻皆屬思便成無所點易自加元服帝便使省萬幾內外百司奏事謬妄皆卽辯析合改正末嘗彈糾一人性寬和容眾引納才學之士賞愛無倦于時東宮有書幾三萬卷名才並集文學之盛晉宋以來未之有也每霖雨積雪遣左右行視貧困及流離道路以米密加賑賜又出主衣絹帛年常作襦袴各三千領以施寒者不令人知開東宮雖離居內殿坐起恒向西南面臺宿被召當入危坐達旦中大通三年三月遊後池乘雕文舸摘芙蓉姬人蕩舟沒溺而得出因動股恐貽帝憂以寢疾聞四月薨朝野惋愕都下男女奔走宮門號泣滿路四方毗庶及疆徼之人聞喪哀慟陸龜蒙小名錄昭明太子小字維摩塵史宋景文母夢朱衣人携文選一部與之遂生景文故小字選哥

何曰序而似賦  
序之變也  
從未有文字說  
八是原起

此段言文章之  
變

此段序詩賦之  
由

式觀元始。眇觀元風。元始謂太古元風謂淳風冬穴夏巢之時。茹毛飲血之世。世質民淳。斯文未作。逮乎伏羲氏之王天下也。始畫八卦。造書契。以代結繩之政。由是文籍生焉。易曰。觀乎天文。以察時變。觀乎人文。以化成天下。文之時義遠矣哉。天文日月星辰人文禮樂文章若夫椎輪為大輅之始。大輅寧有椎輪之質。呂向曰椎輪古棧車也大輅玉輅也增層水為積水。所成積水。曾微增水之凜。何哉。荀子水生于水而寒於水蓋踵其事而增華。變其文而加厲。物既有之。文亦宜然。隨時變改。難可詳悉。嘗試論之。曰。詩序云。詩有六義焉。一曰風。二曰賦。三曰比。四曰興。五曰雅。六曰頌。至於今之作者。異乎古昔。古詩之體。今則全取賦名。荀卿宋玉表之於前。賈誼馬相如繼之於末。自茲以降。源流實繁。述邑居

此段序騷  
何曰騷人之作  
亦謂之賦故漢  
志載屈原賦二  
十五篇荀宋並  
世賈馬代興皆  
是物也二條敘  
致殊近訛雜  
此段序詩

則有憑虛亡是之作。戒畋遊。則有長楊羽獵之制。若其紀一事。詠一物。風雲草木之興。魚蟲禽獸之流。推而廣之。不可勝載矣。又楚人屈原。含忠履潔。君匪從流。臣進逆耳。深思遠慮。遂放湘南。耿介之意。既傷。壹鬱之懷。靡愜。臨淵有懷沙之志。吟澤有憔悴之容。騷人之文。自茲而作。詩者。蓋志之所之也。情動於中而形於言。關雎麟趾。正始之道。著桑間濮上。亡國之音。表濮水衛地晉平公遊濮水故風雅之道。粲然可觀。自炎漢中葉。厥塗漸異。退傅有在鄒之作。降將去聲著河梁之篇。四言五言。區以別矣。又少則三字。多則九言。各體互興。分鑣竝驅。五臣退傅韋孟也孟為楚元王孫戊傅作四言詩以諷不聽而去故云退傅降將李陵也蘇武別於河梁作五言詩五言始於此也何曰文始三字起於夏侯湛九言出高貴鄉公何曰三百篇四言為多雜以二三五六七八詩疏云其外更不見九字十

重訂文選集注

文選原序

卷首

卷首

墊虞有文章流  
別論何註作流  
外似誤

此段序頌

此段序次雜文

字者墊虞流外論云詩有九言者河酌彼行潦極彼注茲是也編檢諸本皆云河酌三章章五句則以為二句也顏延之云詩體本無九言將由聲度開緩不協金石仲治之言未可據也準以此論則雜言之體亦當自八而止晉義案向註文始謂任昉文章始六臣本誤作文三頌字九言向註並指通體故不與毛詩疏同然漢高祖唐山夫人安世房中歌已通體三字頌者所以遊揚德業褒讚成功吉甫有穆若之談季子有至矣之歎舒布為詩既言如彼總成為頌又亦若此論注舒布為詩謂退傅降將也總成為頌謂穆如至矣也舊註以為詩指吉甫頌指今之歌頌恐未然次則箴興於補闕戒出於弼匡論則析理精微銘則序事清潤美終則誅發圖像則讚興又詔誥教令之流表奏牋記之列書誓符檄之品弔祭悲哀之作答客指事之制三言八字之文篇辭引序碑碣誌狀衆制鋒起源流間出譬陶匏異器竝為入耳之娛黼黻不同俱為悅目之翫作者之致益云備矣在昉文章緣起誥漢司隸從事馮衍作表淮南王安諫伐閩表秦枚乘奏書諫吳王濞瑋漢蔡邕作艱誓文心雕龍晉平戰國始稱為檄張儀檄楚書以尺二呂延

此段序選集之  
出

自周秦至梁凡  
八伐今云七伐  
者數至齊而止  
此段序姬孔之  
不敢入選  
此段言四家之  
在所略

濟曰三言謂漢武秋風辭八字謂魏文帝樂府詩何曰宋謝莊明堂樂歌青帝三言依木數白帝九言依金數其地赤帝七言依火數黃帝五言依土數黑帝六言依水數此但舉多少懸絕以包之劉熙釋名碑被也本王莽時所設也施其輓轆以繩被其上以引棺也臣子追述君父之功美以書其上後人因焉無故建於道陌之頭顯見之處名其文就謂之碑也李賢後漢書註方者謂之碑圓者謂之碣張銑曰監監國撫撫也余監撫餘閒居多暇日張銑曰監監國撫撫也歷觀文囿泛覽辭林未嘗不心遊目想移晷忘倦自姬漢以來眇焉悠邈時更七代自周至梁也數逾千祀詞人才子則名溢於縹囊飛文染翰則卷盈乎緗帙向曰縹青白色緗淺黃色帙書衣自非略其蕪穢集其清英蓋欲兼功太半難矣若夫姬公之籍孔父之書與日月俱懸鬼神爭與孝敬之准式人倫之師友豈可重以芟夷加之翦截老莊之作管孟之流蓋以立意為宗不以能文為本今之所撰又以略諸若賢人之美辭如荀韓諸家忠臣之抗直如劉向上封事諸疏之類謀夫之話辨士之端舌冰釋

重訂文選集評

文選原序

卷首

泉涌金相玉振所謂坐狙詛邱議稷下翰曰狙邱稷下皆齊地之邱山也田巴置館于稷下以延游談之士稷

下在青州府臨淄縣音義齊稷城門仲連之却秦軍食異其基之下齊國留侯之發八

此段言單詞片語之宜聽

難曲躡逆之吐六奇張良封留侯陳平封曲逆侯蓋乃事美一時語流千載概見

此段言繫年紀事之非倫

墳籍旁出子史若斯之流又亦繁博雖傳之簡牘而事異篇章今之所集亦所不取至於記事之史繫年之書三傳史記等書所以褒貶

此言所選者如是

是非紀別異同方之篇翰亦已不同若其讚論之綜緝辭采序述之錯比去聲文華事出於沈思義歸乎翰藻故與夫篇什雜而

集之遠自周室迄于聖代都為三十卷都總也名曰文選云爾凡次

文之體各以彙聚詩賦體既不一又以類分類分之中各以時

代相次

何義門曰此書於詩賦已綜其要賦祖楚辭別有專集故騷列詩後僅標舉大略郊祀樂府自為一體事關制作難復限以文章遂從闕如鮑謝承錄不遺陶令獨為隱逸之宗則具諸本集至於眾製則羸劉二代聊示椎輪當求之史集建安而降大同以前眾論之所推服時士之所鑽仰蓋無遺憾焉何念脩曰篇中敘詩賦詳敘各體略作者之意原重在詩賦也詳略中各見結構亦是為此選導其先路者



唐李善上文選註表

舊有俞犀月註按犀月名揚江南吳江人○舊唐書李善注都

士兼沛王侍讀註文選六十卷表上之賜絹百二十四匹詔藏于秘閣除潞王府記室參軍轉秘書郎乾封中出為經城令坐與賀蘭敏之周密配流姚州後遇赦得還以教授為業弟子多自遠而至又撰漢書辨惑三十卷載初元年卒○新唐書李善傳父善有雅行淹貫古今不能屬辭故人號書籠何曰李善文選學本於其師曹憲憲江都人隋秘書學士嘗著廣雅以昭明文選授同郡魏模公孫羅江夏李善於是其學大興見唐書儒林列傳

臣善言竊以道光九野緝景

影緯以照臨

緝繁也景日月之景

德載八埏

埏○

淮南子九州之外有八埏

麗山川以錯峙

峙○

垂象之文斯著含章之義聿宣協人

靈以取則基化成而自遠故義繩之前飛葛天之浩唱

路史註葛音蓋俞曰呂氏

春秋葛天氏之樂三人操牛尾投足以歌八闕

媯簧之後

世本女媯作簧女媯黃帝臣

揆

叢雲之奧詞

俞曰尚書大傳舜將禪禹

於是俊又百工相和而歌卿雲帝唱之八伯咸進稽首而和帝乃載歌于是八風循道卿雲叢叢

步驟分途

俞曰史記註三皇步五帝驟三王馳五霸駕

星

躔殊建球鍾愈暢

球○

舞詠方滋

楚國詞人御蘭芬於絕代漢朝

才子綜輦。悅於遙年。楊子法言古之學者耕且養三年而通一經今之學者疇獨為之華藻也又從而繕其繁悅言用文飾於不必用之地

虛元流正始之音。虛元謂以無為宗老莊之屬正始魏曹芳年號時何晏善談老莊天

見王敦敦顧謂僚屬曰昔年輔嗣吐金聲于中朝此子今復王下翕然宗之此正始與上篇正始之道著不同備玠別傳玠至武昌振于江表微言之緒絕而復續不悟永嘉之中復問正始之音氣質馳建安之體沈

宋書子建仲宣以氣質。長離北度。何曰潘岳為賈謐贈陸機詩云婉婉長離凌江而翔長離云誰谷爾陸生長離鳳也北度謂吳亡北度入洛

騰雅詠於圭陰。余曰周禮大司徒以土圭之法測土深正日景以求地中圭陰註土圭長尺五寸夏至日立八尺之表其景正與土圭等謂之地中測景於地

故曰圭陰蓋洛陽為天地之中於日景無盈縮處驗化龍東驚煽扇風流於江左

晉陽秋太安中童謠曰五馬浮渡江一馬化為龍時永嘉末大亂唯琅邪西陽汝南南頓彭城五王渡江而東後琅邪王卽位是為中宗煽揚也風流謂文物自元帝中興庾王陶謝輩出文章獨盛

爰逮有梁宏材彌劬昭明太子業膺守器譽貞問寢居肅成而講藝

魏書文帝初在東宮集諸儒於開博望以招賢博望苑以通賓客

中葉之詞林酌前修之筆海周巡綿嶠品盈尺之珍傳良王度尺

領聖

雖有十仞之土不能掩其光。楚望長瀾搜徑寸之寶故撰斯一集名曰文選後進

英髦咸資準的伏惟陛下經緯成德文思垂風則大居尊耀三

辰之珠璧希聲應物宜六代之雲英孰可撮壤崇山導涓宗海

臣蓬衡叢品樛散陋姿汾河委筴按漢武帝過河東立書風非成誦十三館張安世記出不

遺一字不曰河東而曰汾河與下崇山取對成崇山墜簡未議澄心余曰崇山亦嵩

有古簡一枚載蝌蚪書兩行張華以問束握玩斯文載移涼燠有欣永日實

昧通津故勉十舍之勞三十里為一舍淮南子夫騏驎千寄三餘之暇寄適

魏書董遇好學人從學者遇不肯教云當先讀書百遍而義自見從學弋鈞書部願言

注緝合成六十卷殺青甫就殺青以火炙輕用上聞享帚自珍獻

也餘曰典論里語云家有敝帚享之千金言藏之則緘石知謬緘石見應璩百一詩註

敢有塵於

自謙

何曰書孔傳云

崇山南裔大西

小西二山在武

陵郡亦南裔也

以崇山代之不

直使一事徐庾

法也上何用張

安世事亦以汾

河代河東

此言注選

廣內庶無遺於小說。謹詣闕奉進。伏願鴻慈。曲垂照覽。謹言。顯

慶三年九月日上表。

舊唐書高宗紀永徽七年正月改元為顯慶六年十七日。

方伯海曰。按表者。表白其事。魏晉而上。皆用散行。無四六駢體。至六朝始有然。亦分二種。有指陳事理者。有陳謝慶賀者。陳謝慶賀。唐宋而後。槩用駢體。而指陳事理。亦多用散行。以不如是。則無以反覆事理。而曲暢之也。即駢體中。亦要依類切題。不特原起正位處當切。即頌聖自謙。亦要比事屬詞。六朝所以失之繁蕪。由於只取富麗。浮夸不實。銘誌碑碣。按之本人。多不相似。處處可通。故不足貴。此表截截周到。字字雅切。自未有文字說到既有文字。見累朝體製不同。宗匠各擅則昭明茲選。誠有益藝林。已之註選。非徒勞翰墨矣。其括各家處。品昭明處。頌聖自謙處。不落膚泛。穢纖筆墨。當遠駕六朝之上。

體辨集說

賦

文心雕龍賦也者。受命於詩人。拓宇於楚辭也。荀况禮智宋玉風鈞。爰錫名號。與詩畫境六義。附庸蔚成大國。遂客主以首引。極聲貌以窮文。斯蓋別詩之原始。命賦之厥初也。按詩賦論說。不勝採錄。茲集文心雕龍數語。以見大概。識者鑒之。

詩

文心雕龍大舜云。詩言志。歌永言。聖謨所析。義已明矣。是以在心為志。發言為詩。舒文載實。其在茲乎。詩者持也。持人情性。三百之蔽。義歸無邪。持之為訓。有符焉爾。人稟七情。應物斯感。感物吟志。莫非自然。

騷

玉篇騷愁也。屈原憂愁幽思。而作離騷。龍門以為上。追三百篇。故今謂詩人為騷人。

七

字典詞家以七名篇。雖八首。問對凡七七者。問對之別名。始枚乘七發。後傳毅七激。崔駰七依。曹植七啟。張協七命。繼之凡十餘家。

詔

六臣註詔。照也。天子出言。如日之照。天下也。蔡邕獨斷。詔猶告也。三代無其文。秦始有之。文心雕龍。古者王言。稱詔。稱誓。兼并天下。改命曰制。今日詔。於是詔與焉。按帝紀注云。漢制。帝之下書。有四。一曰策書。編簡也。其制長二尺。短者半之。篆書。起年月日。稱皇帝。以命諸侯王。三公。以罪免。亦賜策。而以隸書。用尺一木。兩行書之。二曰制書。其文曰。制。詔。三公。皆璽封。尚書。合印。重封。露布。州郡。三曰詔書。其文曰。告。某官。云。如故事。四曰。赦。救。其文曰。有詔。赦某官。

冊 說文冊符命也諸侯近受於王其札一長一短中有二編

令 六臣註秦法皇后太子稱令令命也

教 蔡邕獨斷諸侯言曰教

策問 說文策者謀也通考漢制取士作簡策難問試者投射答之謂之射策若錄政化

表 六臣註表者明也標也如物之標表三王已前謂之敷奏尚書云敷奏以言是也至秦

表 并天下改為表摠有四品一曰章謝恩曰章二曰表陳事曰表三曰奏効驗政事四曰

上書 徐伯魯曰人臣進劄之書為上書親朋上下往來之書為書二端之外復有書者

啟 文心雕龍啟者開也高宗云啟乃心沃朕心取其義也孝景諱啟故兩漢無稱至魏國

彈事 按彈糾也劾也人有失誤則糾劾之謂之彈事

牋 文心雕龍牋者表也識表其情也始於東漢其時上太子諸王大臣皆得稱牋後專以

也又書也

奏記 文心雕龍奏進也秦漢立議始有表奏王公國內亦稱奏書至後漢稍有名品公

書 徐伯魯曰書者舒也舒布其言而陳之簡牘也有辭令議論二體

移書 六臣註移易也謂以我情移易彼意也

檄 六臣註檄敕也喻彼使皎然知我情事周末時穆王合祭公謀甫為威猛之辭以責狄

難 去聲反覆詰辯謂之難

對問 徐伯魯曰對問者文人假設之詞反覆縱橫可以舒憤鬱而通慮慮者也

設論 設為問答以抒議論亦對問體

序 爾雅發其事理次第有敘也有序事多者有議傳托傳假傳四者之分焉

頌 徐伯魯曰詩有六義其六曰頌頌者容也美盛德之形容以其成功告神明者也或止

**贊** 徐伯魯曰按字書云贊稱美也其體有三一曰雜贊意專褒美若諸集所載人物文章書畫諸贊是也二曰哀贊哀人之歿而述其德以贊之者是也三曰史贊若史記索隱

東漢晉書諸贊是也集成贊者助也助以發明一篇傳意故人之善惡皆有贊非贊美之謂若後人則以贊美為辭耳

**符命** 董景真曰帝王之興必有符命蓋以祥瑞之徵符於天命也

**史論** 文心雕龍論也者彌綸羣言而研精一理者也辨史則與贊評齊行耳

**論** 文心雕龍聖哲發訓曰經述經敘理曰論論者倫也論理無爽則聖意不墜自仲尼微言門人追記仰其經自稱為論語而論名始焉

**連珠** 傅元連珠敘所謂連珠者興於漢章之世班固賈逵傅毅三子受詔作之其文體辭麗而言約不指說事情必假喻以達其旨而覽者微悟合於古詩諷興之義欲使歷歷如貫珠易看而可悅故謂之連珠

**箴** 說文箴者誡也醫者以石刺病故有所諷刺而救其失者謂之箴喻箴石也

**銘** 釋名銘名也記名其功也又曰述其功美使可稱名也然其體有二曰警戒曰祝頌

**誄** 文心雕龍誄者累也言人死後累其德行旌之不朽也

**哀文** 文心雕龍議德之謚短折曰哀哀者依也非實依心故曰哀也以辭遣哀蓋不淚之悼

**碑文** 劉勰逸雅碑被也本王莽時所設施其輓轎以繩被其上以引棺也臣子追述君父之功美以書其上後人因焉無故建於道陌之頭顯見之處名其文就謂之碑也初

學記碑以悲往事也今宮室廟屋墓隧之碣鐫文於石皆曰碑

**墓誌** 吳均齊春秋王儉曰石誌不出禮典起宋元嘉顏延之為王琳石誌誌者記也記其人世系名字爵里行治壽言卒葬日月與其子孫之大畧勒石加蓋埋於墓中

以防異時陵谷變遷也有銘則曰墓誌銘

**行狀** 六臣註述其德行之狀徐伯魯曰行狀者取死者生平言語行事世系名字爵里壽

年後裔之詳著為行狀名行述因其請編史錄或乞作者墓誌碑表之類故謂之狀

**弔文** 說文弔問終也又傷也愍也玉篇弔生曰唁弔死曰弔唐翼倫曰或驕貴而殞身或有志而無時或美才而兼累他人慰之惜之並名為弔其有稱祭文者實亦弔也

**祭文** 孝經疏祭者際也人神相接故曰際也唐翼倫曰祭文之用有四祈禱雨暘驅逐邪魅千求福澤哀痛死亡如此而已

祭文 飛想千末 賦對哀誠 漢文吹也 而日

甲文 齊志而無 湖吏美下 而兼 累人 德文 甲問 然也 又對 出慈 出

行根 尹翁歸之 藉 晉 孫 行 根 行 根 因 其 諸 辭 史 如 子 行 昔 莫 遠 歸 夫 之 賤 隨 之

墓誌 其人 母 承 承 晉 里 行 翁 言 卒 葬 日 凡 獲 其 子 新 之 大 畧 博 可 以 蓋 野 外 墓 中

輓文 之 由 美 以 善 其 子 翁 人 因 其 誰 為 載 於 墓 前 之 題 顯 見 之 盛 矣 其 文 雖 簡 之 斬 也 因

哀文 文 心 誠 簡 蕭 蕭 之 蕭 政 計 日 京 哀 者 對 也 非 實 對 也 始 日 哀 也 以 輪 車 哀 益 不 見

姓氏小傳

卜商 家語字子夏衛人孔子弟子 按衛在今河南衛輝府淇縣

屈平 見離騷經註按屈平郢人 今湖北荊州府江陵縣

宋玉 史記楚有宋玉景差之徒皆好辭而以賦見稱 王逸楚辭序屈原弟子 按楚今荊州府玉亦郢人 水經注宜城城南有宋玉宅玉邑人

李斯 史記李斯楚上蔡人也 西說秦拜斯為客卿後以為丞相 二世具斯五刑腰斬咸陽市 按上蔡今河南汝寧府上蔡縣

章孟 漢書章賢魯國鄒人其先章孟家本彭城為楚元王傳 按鄒即今山東兗州府鄒縣彭城今江南徐州府孟自彭城徙家于鄒至賢五世為鄒魯大儒

賈誼 漢書賈誼洛陽人年十八屬文稱於郡中 河南太守吳公聞其秀才召置門下 甚幸愛後文帝召為博士為絳灌馮敬之屬所害于是天子疎之以為長

沙王傳 按洛陽即今河南府洛陽縣

劉安 漢書淮南王安為人好書招致賓客數千人後伍被自詣 吏具告與淮南王謀反上使宗正以符節劾王末至自殺

鄒陽 漢書鄒陽齊人見上吳王及獄中上書註按 齊即今山東青州府鄒陽青州臨淄縣人

枚乘 漢書枚乘字叔淮陰人為吳王濞郎中善屬辭武帝以蒲輪徵之卒于路按淮陰今江南淮安府

東方朔 字曼倩平原厭次人武帝時舉賢良方正善本傳作蒨按平原即今山東濟南府平原縣

司馬相如 漢書司馬相如字長卿蜀郡人少好讀書為武騎常侍後拜文園令病卒按蜀郡今四川成都府

孔安國 經典序錄字子國孔子十二世孫受詩於魯申公官至諫大夫漢書孔安國以治尚書為武帝博士臨淮太守按世家孔子十一代孫

蘇武 漢書蘇武字子卿京兆人為後中監使匈奴十九年歸拜為典屬國按京兆今陝西西安府

李陵 漢書李陵字少卿隴西成紀人少時為侍中建章監嘗射愛人謙讓下士為騎都尉降匈奴為右校王按隴西今甘肅鞏昌府成紀今甘肅秦州

司馬遷 遷字子長河內人初為太史令按遷太史談之子生子龍門今山西絳州河津縣漢為河東地東通馮翊陽夏人

楊惲 漢書楊惲字子幼華陰人以才能稱惲為常侍騎濟曰免官後有食蝕之變人告惲驕奢不悔過日蝕之咎此人所致下廷尉按驗又得與會宗書宜帝惡之遂腰斬免官本末詳見報孫會宗書註按華陰今陝西同州府華陰縣

王褒 漢書王褒字子淵蜀人宣帝時為諫議大夫帝太子體不安昔忽忽不樂詔使褒等皆之太子宮娛侍太子朝夕誦書奇文及自所造作疾平復乃歸太

子嘉慶所為甘泉及洞簫頌令後宮貴人左右皆誦讀之益州有金馬碧雞之寶使往祀焉於道病卒

班婕妤 漢書成帝初即位婕妤選入後宮始為小使俄而大幸為婕妤居增成舍後趙飛燕寵盛婕妤好失寵希復進見成帝崩婕妤充園陵薨婕妤后妃之位名

左曹越騎校尉况之女彪之姑少有才學

班彪 漢書班彪字叔皮扶風安陵人姓好壯老祖况成帝時為越騎校尉父稚哀帝時為廣平太守彪年二十遭王莽敗劉聖公立未定乃去京師往天水郡

歸隗囂囂時據隴擁眾不禮彪彪後知囂必敗乃避地於河西就大將軍竇融勸融歸光武光武問融曰此來文章所奏誰作答云班彪也舉秀才為徐令卒亦為望都

長安安陵今西安府咸陽縣

楊雄 漢書楊雄字子雲蜀郡成都人少好學年四十餘遊京師大司馬王音召為門下吏薦雄待詔歲餘為郎中給事黃門

劉歆 漢書劉歆字子駿向少子也少通詩書能屬文為黃門侍郎至中壘校尉王莽篡位為羲和京兆尹按歆彭城人今江南徐州府

史岑 後漢書王莽末沛國史岑字孝山以文章顯漢有二史岑字子孝者仕王莽之末字孝山者當和喜之際但書典散亡未詳孝山爵里

朱浮 後漢書朱浮字叔元沛國蕭人初從世祖為大司馬主簿遷偏將軍從破邯鄲後乃為大將軍幽州牧守薊城後為大司空坐事賜死按沛國今江南徐

州沛縣蕭郎  
徐州蕭縣

班固

後漢書班固字孟堅北地人年九歲能屬文長遂博貫載籍顯宗時除蘭臺令史遷為郎乃上兩都賦大將軍竇憲出征匈奴以固為中護軍憲敗固坐

免官遂死獄中范書北地人  
作扶風安陵人按固即彪子

傅毅

後漢書傅毅字武仲扶風茂陵人少博學建初中肅宗特召文學之士以毅為蘭臺令史少逸氣亦與班固為實憲府司馬早卒按茂陵今西安府

興平縣

曹昭

後漢書扶風曹世叔妻者同郡班彪之女也名昭字惠姬年十四聘世叔和帝數召入宮合皇后貴人師事焉號曰大家兄固修漢書不終而死大家續

之時馬融受業  
于大家家音姑

張衡

後漢書張衡字平子南陽人少善屬文安帝雅聞衡學術公車徵拜郎中出為河間相乞骸骨徵拜尚書卒按南陽即今河南南陽府

馬融

後漢書馬融字季長扶風茂陵人將作大匠嚴之子為人美容貌有俊才為校書郎順帝時遷南郡太守免與馬皇后親坐高堂施絳帳前授生徒後列

女樂鄭元盧植皆其  
弟子後拜議郎卒

蔡邕

後漢書蔡邕字伯喈陳留人舉橋元府精遷至郎中後董卓許邕遷尚書及卓被誅王允收邕付廷尉遂死獄中按陳留今開封府陳留縣

魏武帝

魏志太祖武皇帝諱人姓曹氏諱操字孟德少機警有權數而任俠與老康為郎遷南頓令後封魏文帝立追諡曰武皇帝諡譙邑今江南穎州府亳

州

孔融

後漢書孔融字文舉魯國人幼有異才性好學舉高第拜御史歷官至將作大匠遷少府曹操既積嫌忌奏誅之下獄棄市續漢書孔子二十四世孫父

宙泰山都尉後漢書孔子二十世  
孫棄市時年五十六妻子皆被誅

楊修

典略楊修字德祖太尉彪子謙恭才博自魏太子以下並爭與交好後曹公以修前後漏洩言教交關諸侯乃收殺之文士傳宏農人

繁欽

文章志繁欽字休伯潁川人少以文辯知名以豫州從事稍遷至丞相主簿病卒按潁川今河南陳州府三國志注繁音婆

彌衡

後漢書彌衡字正平原人少有才辯而尚氣傲曹操欲見之不肯往操懷忿而以才名不欲殺之送劉表後復侮慢于表表不能容以江夏太守黃祖

性急故送衡與之後為黃祖所殺時年二十有六  
按平原今山東濟南府平原縣典略平原般人

陳琳

文章志陳琳字孔璋廣陵人避亂冀州袁紹辟之使典密事紹死魏太祖辟為軍謀祭酒典記室病卒按廣陵今揚州府江都縣

重訂文選集評

姓氏小傳

三

卷首



諸葛亮蜀志亮字孔明琅琊陽都人時先主屯新野徐庶曰諸葛孔明乃臥龍也將軍豈欲見之乎先主遂詣見之及即帝位拜為丞相後主即位十二年卒

孔明避亂居隆中在今襄陽府城北琅邪今山東沂州府

魏文帝魏志文帝諱丕字子桓太祖太子為五官中郎將太祖薨嗣位為丞相魏王受漢禪即皇帝位

曹植字子建魏武第三子魏志本傳黃初三年封鄆城王四年封雍邱太和三年徙封東阿六年封陳王薨年四十一

鍾會魏志鍾會字士季穎川長社人繇之少子少敏惠夙成為秘書郎遷鎮西將軍後為司徒謀反於蜀為眾兵所殺

吳質魏志吳質字季重濟陰人以文才為文帝所善為朝歌長官至振威將軍按質南皮人今屬直隸天津府

阮瑀魏志阮瑀字元瑜陳留人宏才卓逸不羣於俗太祖為司空召為軍謀祭酒又管記室書檄多瑀所作又轉倉曹屬

潘勗文章志潘勗字元茂陳留中牟人獻帝時為尚書郎遷東海相未發拜尚書左丞按中牟今開封府中牟縣

王延壽後漢書王逸字叔師南郡宜城人也子延壽字文考有雋才年二十四歲溺水死何曰後漢引博物志文考一字子山按宜城今寧國府宜城縣

應璩文章錄璩字休璉汝南人博學好屬文明帝時歷官散騎侍郎曹爽多違法度璩為詩以諷焉典著作按汝南今河南汝寧府

何晏典略何晏字平叔南陽人尚金鄉公主有奇木頗有材能美姿貌為散騎郎侍遷尚書主選後曹爽反為司馬宣王斬于京市魏略南陽宛人漢大將軍進孫也或云何苗孫按宛縣今南陽府南陽縣

崔瑗後漢書崔瑗字季玉涿郡人早孤銳志好學盡傳父業察茂才為汲令遷濟北相按涿郡今直隸保定府

王粲魏志王粲字仲宣山陽高平人獻帝西遷粲從至長安以西京擾亂乃之荆州依劉表後太祖辟為右丞相掾魏國建為侍中卒按山陽今兗州府高平

劉楨魏志東平劉楨字公幹少有學辟丞相掾屬太子嘗請諸文學酒酣命甄氏出拜坐中皆伏楨獨平視太祖聞之收楨減死輸左作著賦數十篇按東平

今鉅野縣

應瑒魏志汝南應瑒字德璉太祖辟為丞相掾屬後為五官中郎將文學按汝南今河南汝寧府

曹回魏氏春秋曹回字元首少帝族祖為宏農太守少帝齊王芳也

曹襲文章志曹襲字熙伯魏志襲東海人有才學多所敘述官至尚書光祿勳按東海今江南海州文章敘錄東海蘭陵人

繆襲文章志繆襲字熙伯魏志襲東海人有才學多所敘述官至尚書光祿勳按東海今江南海州文章敘錄東海蘭陵人

重丁文選集平 姓氏小傳

李康

集林李康字蕭遠中山人性介立不能和俗著遊山九吟魏明帝異其文遂起家為尋陽長政有美績按中山今直隸定州

韋曜

吳志韋曜字宏嗣吳郡人為太子中庶子後為中書僕射孫皓誅之裴松之曰曜本名昭史為晉諱改之也按曜雲陽人今丹陽縣

孫楚

臧榮緒晉書孫楚字子荆太原人征西扶風王駿與楚舊好起為參軍梁合衛軍司馬為馬翊太守卒按太原即今山西太原府有楚太原府榆次人

張華

臧榮緒晉書張華字茂先范陽方城人少好文義博覽墳典為太常博士轉兼中書郎後詔加右光祿大夫封莊武公遷司空為趙王倫所害按范陽今

直隸順天府

何劭

臧榮緒晉書何劭字敬宗順國人博學多聞善屬篇章初為相國掾稍遷尚書左僕射薨陳國今河南陳州府

傅元

臧榮緒晉書傅元字休奕北地泥陽人勤學善屬文州舉秀才遷至司隸校尉按北地今甘肅慶陽府泥陽慶陽寧州

傅咸

王隱晉書傅咸字長虞北地泥陽人舉孝廉拜太子洗馬後為司隸校尉按咸元之子

夏侯湛

臧榮緒晉書湛字孝若譙國譙人美容儀才華富盛早有名譽與潘岳友善時人謂之連璧為散騎常侍按淵之曾孫

郭泰機

河南人寒素之士沈淪不能自拔情見乎詩

石崇

臧榮緒晉書石崇字季倫渤海南皮人早有智慧稍遷至衛尉初崇與賈謐善謐既誅趙王倫專任孫秀崇有妓曰綠珠秀使人求之不許秀勸倫殺崇

遂遇害按渤海今直隸河間天津等府地南皮即今天津府南皮縣小名錄勃海清河人苞之子生於青州故小字齊奴六男崇是小子

歐陽建

晉勃海人見臨終詩註

束皙

王隱晉書束皙字廣微陽平人父惠馮翊太守兄粲與皙齊名賈謐請為著作郎文士傳陽平元城人漢太子太傅疎廣後也王莽末廣曾孫孟達自東

海避難元城改姓去疎之足以為束氏皙博學多識問無不對三十九歲卒元城為之廢市按元城今直隸大名府元城縣

向秀

臧榮緒晉書向秀字子期河內懷縣人始有不羈之志應本州計入洛太祖問曰聞有箕山之志何以在此秀曰以為巢許未達堯心是以來見後為黃

門郎卒按懷縣今懷慶府武涉縣

陸機

王隱晉書陸機字士衡吳郡人少為吳牙門將軍吳平太傅楊駿辟機為祭酒轉太子洗馬後成都王穎以機為司馬參軍事遂為穎所害年四十有二

按機今松江府華亭縣人漢及魏晉皆屬吳郡

陸雲

王隱晉書陸雲字士龍少與兄機齊名號曰二陸為吳王郎中令出宰浚儀有惠政機被收并收雲

曹 攄 臧榮緒晉書曹攄字顏遠譙國人篤志好學參南國中郎將遷高密王左司馬流人王道等侵掠城邑遇戰軍敗而死之

張 俊 孫盛晉陽秋張俊字士然吳國人為太子庶子

袁 宏 檀道鸞晉陽秋袁宏字彥伯陳郡人為東郡守按陳郡今河南陳州府

阮 籍 臧榮緒晉書阮籍字嗣宗陳留尉氏人容貌瑰傑志氣宏放蔣濟辟為掾後謝病去為尚書郎遷步兵校尉卒魏氏春秋阮瑀子

嵇 康 臧榮緒晉書嵇康字叔夜譙國鉅人幼有奇才博覽無所不見拜中散大夫以呂安事誅書錄解題康本姓奚自會稽徙譙之鉅縣嵇山家于側遂氏焉

取嵇氏之上志其本也  
按鉅縣今潁州府亳州

潘 岳 臧榮緒晉書潘岳字安仁滎陽中牟人總角辯慧擢藻清艷都邑稱為奇童弱冠辟司空大尉府舉秀才高步一時為眾所疾按中牟今開封府中牟縣

潘 尼 文章志潘尼字正叔少清才初應州辟後以父老歸父終乃出仕位至大常文士傳滎陽人祖勗尚書左丞晉書潘岳從子

趙 至 晉紀趙至字景真代郡人州辟遼東從事按代郡今山西代州

劉 伶 臧榮緒晉書伶字伯倫沛國人為建威參軍按沛國今徐州府沛縣

應 貞 文章志應貞字吉甫少以才聞能談論晉武帝為撫軍將軍以貞參軍晉室踐祚遷太子中庶子散騎常侍

羊 祜 臧榮緒晉書羊祜字叔子泰山平陽人能屬文為中書郎陳留王立封鉅平子世祖受禪加散騎常侍後以祜都督荊州諸軍事又為車騎將軍開府儀

同三司按泰山在今山東泰安府祜泰安府新泰人也

李 密 華陽國志李密字令伯犍為武陽人祖母服終徙尚書郎為河內温令左遷漢中太守一年去官卒密一名虔晉書本傳師事譙周周門人方之游夏按

犍為郡今四川敘州府嘉定府眉州等地武陽今眉州彭山縣

司馬彪 臧榮緒晉書司馬彪字紹統少篤學初拜騎都尉太始中為秘書郎轉承後拜散騎侍郎終于家

杜 預 臧榮緒晉書杜預字元凱京兆杜陵人起家拜尚書郎稍遷至鎮南大將軍都督荊州諸軍事平吳加位特進

木 華 字元虛廣川人華集為楊駿府主簿按廣川今河南開封府景州

王 瓚 臧榮緒晉書王瓚字正長襄陽人博學有俊才辟司空掾歷散騎侍郎按襄陽今汝寧府信陽州

棗 據 今書七志棗據字道彥潁川人弱冠辟大將軍府遷尚書郎太尉賈充為平吳都督請為從事中郎遷中庶子

左思 臧榮緒晉書左思字太冲齊國臨淄人少博覽文史後徵為秘書按臨淄今青州臨淄縣

皇甫謐 臧榮緒晉書謐字士安安定朝那人年二十始受書得風痺疾猶手不輟卷舉孝廉不行又辟著作不應卒於家按朝那今甘肅平涼府平涼縣漢為安

謝混 臧榮緒晉書謝混字叔源少有美譽善屬文為尚書左僕射以黨劉毅被誅

張載 臧榮緒晉書張載字孟陽安平人有才華起家拜著作佐郎稍遷領著作遷稱疾抽簪告歸卒于家按安平今直隸深州安平縣

張翰 臧榮緒晉書張翰字季鷹吳郡人也文藻新麗齊王辟為東曹掾觀天下亂東歸卒于家濟曰晉書張翰有清才而縱任不拘時人號為江東步兵

張協 臧榮緒晉書張協字景陽載之弟也兄弟並守道不競屬詠自娛少辟公府後為黃門侍郎因託疾絕人事終于家

劉琨 臧榮緒晉書琨字越石魏昌人中山靜王之後初辟大尉隴西秦王府未就尋為博士末之職永嘉中為并州刺史為段匹磾所害

盧諶 臧榮緒晉書諶字子諒范陽人有才理顯宗徵為散騎常侍段末波愛其才託以道險終不遣之末波死諶依石季龍再闕誅石氏遇害又諶善屬文西

晉末投劉琨現以為從事中郎後為段匹磾別駕盧諶傳

選尚武帝女榮陽公主拜駙馬都尉末成禮而公主卒

成公綏 臧榮緒晉書綏字安東郡白馬人少有俊才而口吃張華一見甚愛之時人以其貧賤不重其文仕為中書郎

于寶 臧榮緒晉書于寶字合升新蔡人始以尚書郎領國史遷散騎常侍按新蔡即今汝寧府新蔡縣去臣同案王應麟姓氏急就篇注于氏吳越春秋于將

吳人晉有于寶則于當為下

郭璞 臧榮緒晉書郭璞字景純河東聞喜人性放散不修威儀為佐著作後轉工敦記室參軍敦謀逆為敦所害郭璞別傳璞奇博多通文藻粲麗而納於言

按聞喜今山西絳州聞喜縣

庾亮 臧榮緒晉書亮字元規為中書郎肅祖欲使為中書監上疏肅祖納亮言封於昌公後遷司馬錄尚書事按亮開封府鄆陵縣人

桓溫 臧榮緒晉書桓溫字元子譙國人為琅邪王文學後進位大司馬五臣元子作了元

殷仲文 臧榮緒晉書仲文陳郡人為驃騎行參軍以桓元之姊夫元僭立用為長史帝反正出為東陽太守愈益憤怒後照鏡不見其面數日禍及本傳

謝靈運嘗云若殷仲文讀書半裘豹則文才不減班固言其文多而見書少也

孫綽 臧榮緒晉書孫綽字季野太原中都人為章安令稍遷散騎常侍領著作郎尋轉廷尉卿卒于時才筆之士綽為其冠按綽姓孫也

姓氏小傳

王康璩 古今詩英華題云晉時人爵里未詳

陶潛 沈約宋書陶潛字淵明一字元亮尋陽柴桑人少自高趣為鎮軍建威參軍後為彭澤令解印綬去職卒於家按潯陽今在江西九江府柴桑今德化縣

傅亮 沈約宋書傅亮字季友北地人博涉經史尤善文辭初為建威參軍稍遷至散騎常侍後太祖收亮付廷尉伏誅一邱淵之文章錄歷尚書令任光祿大夫至嘉三年以罪伏誅南史北地靈州人晉司隸校尉咸之元孫

謝瞻 沈約宋書七志謝瞻字宣遠陳郡人初能屬文宋黃門郎以弟晦權貴求為豫章太守

范曄 沈約宋書范曄字蔚宗順陽人少好學為高祖相國掾稍遷至太子詹事生謀反誅

謝靈運 沈約宋書謝靈運陳郡人博覽羣書文章之美江左莫逮初辟琅邪王為大司馬行參軍後為臨川郡守為有司所糾徙守廣州遂令趙欽等要合鄉里

健兒子三江口篡取謝要不及有司奏依法收罰詔于廣州棄市邱淵之新集錄陳郡陽夏人

謝惠連 沈約宋書謝惠連陳郡陽夏人幼而聰敏年十歲能屬文族兄靈運深嘉賞之本州辟主簿不就後為司徒彭城王法曹年二十七歲卒按陽夏今陳州

府太康縣

謝莊 沈約宋書謝莊字希逸陳郡陽夏人太常宏微子也七歲能屬文仕至光祿大夫泰初二年卒時年二十六謚曰思

顏延之 沈約宋書延之字延年琅邪人好讀書無所不覽文章冠絕當時吳國內史劉琨以為行軍參軍後為秘書監太常

袁淑 孫贛宋書袁淑字陽源陳郡陽夏人好屬文彭城王起為祭酒後遷至左衛率府劾當行篡逆淑諫見害

劉鑠 沈約宋書南平穆王鑠字休元文帝第四子也少好學有文才元兗弒立以為中軍將軍世祖入討歸世祖進侍中司空後以藥內食中毒殺之

王僧達 沈約宋書王僧達琅邪人少好學善屬文為始興王行府參軍稍遷至中書令以廢犯上顏于獄中賜死

王微 沈約宋書王微字景元琅琊臨沂人太保宏弟子少好學無不通覽年十六舉秀才除南平王鑠右軍咨議微素無臣情並陳疾不就江湛舉為吏部郎

卒

鮑昭 沈約宋書鮑昭字明遠東海人父辭瞻逸世祖時為中書舍人上好為文章自謂物不能及昭悟其旨為文多鄙言累句當時咸謂昭才盡實不然也臨

海王子瑱為荆州昭為前軍行參軍掌書記之任子瑱敗為亂兵所殺鄧粲讀書志上堂天宋子京筆記今人多誤鮑昭在鮑昭企蔭有人得地中石刻作鮑昭潘子真詩話武后時諱昭唐人因以昭名之按上堂岑山西潞安府何曰虞炎集序云孝武初除海虞令

孔稚珪

蕭子顯齊書稚珪字德璋會稽山陰人少涉學有美譽舉秀才解褐宋安成王車騎法曹行參軍稍遷至太子詹事按山陰今浙江紹興府山陰縣

謝朓

蕭子顯齊書謝朓字元暉陳郡人少有美名文章清麗解褐豫章王行參軍稍遷至尚書吏部郎兼知衛尉事在帖等謀立始安王遙光朓不肯祐自遙

光遙光收朓下獄死

陸厥

蕭子顯齊書陸厥字諱卿吳人好屬文州舉秀才王晏少傅主簿後至行軍參軍厥父被誅坐繫尚方學自合放厥恨父不及感動而卒其集云見陵王

舉秀才遷太子太傅功曹掾

王融

蕭子顯齊書王融字元長琅邪人少警慧博涉有文才晉安王版行軍參軍遷中書郎帝疾融先欲立竟陵王子良下廷尉賜死孫融僧達孫也

范雲

齊書范雲字元龍武興人少為竟陵王子良文學至梁為散騎侍郎梁書南鄉舞陰人

江淹

劉琨梁典江淹字文通濟陽考城人祖就丹陽合父母之南沙合淹少而沉敏六歲能屬詩及長愛奇尚異自以孤賤勵志篤學洎于強壯漸得聲譽

夢郭璞謂之曰君借我五色筆今可見還淹即探懷以筆付璞自此以後才思稍減卒贈禮泉侯諡憲子朱桂賜王舉秀才齊與為豫章記室天監中為金紫光祿大夫

按考城今河南歸德府考城縣

邱遲

梁史邱遲字希範吳興烏程人八歲能屬文及長辟徐州從事高祖踐祚拜中書郎遷司徒從事中郎按吳興今浙江湖州府

任昉

劉璠梁典任昉字彥昇樂安人年四歲誦詩數十篇十六舉秀才第一辭章之美冠絕當時為寧朔將軍新安太守按樂安今青州府樂安縣

王儉

蕭子顯齊書王儉字仲寶琅邪人幼專心篤學手不釋卷為中書監

王巾

姓氏英賢錄王巾字簡栖琅邪臨沂人有學業起家郢州從事征南記室後為輔國錄事參軍天監四年卒何曰巾當作少音徹

陸倕

梁典陸倕字佐公吳郡人少篤學善屬文起家議曹從事遷太子中舍人後仕至太常卿按倕慧曉子玩之曾孫

虞義

虞義集序義字子陽會稽人七歲能屬文後始安王引為侍郎尋兼建安征虜府主簿功曹又兼記室參軍事天監中卒

劉峻

劉峻自序峻字孝標平原人也生于秣陵期月歸故鄉八歲過桑梓顛覆身充僕園齊永明四年二月北歸京師後為崔豫州刑獄參軍梁天監中

詔峻掌石渠閣以病乞骸骨後隱東陽金華山

沈約

劉璠梁典沈約字休文吳興人少為蔡興宗所知引為安西記室梁興遷至侍中丹陽尹封建昌侯諡曰隱

徐悱

何之元梁典徐勉弟三息悱字敬業晉安內史有學業最知名卒于郡府按徐勉傳悱出入宮坊者歷年以足疾出為湘東王友又勉鄰人今兗州

府郊城縣

*[Faint vertical text in the rightmost column]*

*[Faint vertical text in the second column from the right]*

*[Faint vertical text in the third column from the right]*

重訂文選集評卷首終

*[Small handwritten notes in the bottom left corner of the left page]*

